

Tā tātou pūnaha mō te hauora me te hauātanga

Hauora Aotearoa

Kua kaha kawe ngā ratonga Poari Hauora ā-Rohe (DHB) i te hauora mō Aotearoa i ngā tau maha kua hora, engari kua whīwhiwhi, kua wehewehe hoki te pūnaha. Ko Health NZ te whakahaere hou e whakahaere nei i te pūnaha hauora hou mō Aotearoa katoa, me te tika o ā rātou mahi ki ngā hapori, rohe, takiwā, me te motu whānui.

He aha e panonitia ana?

Mā enei waihanga hou e tūrakina ai ngā Poari Hauora ā-Rohe 20, ā, ka hanumi ā rātou mahi ki Health NZ – he whakahaere hou kotahi e ārahi ana i ngā mahi o te pūnaha o ia rā mō te motu katoa. Ka riro hoki māna ngā mahi whakahaere o te Manatū Hauora, pēnei i te whakahaere kirimana ā-motu.

Mā Health NZ ngā ratonga hauora katoa e whakahaere, ina koa ngā ratonga hōhipera me ngā ratonga mātanga, te whakahaumanu matua me te whakahaumanu hapori. Ko ngā ratonga hōhipera me ngā ratonga mātanga ka whakamaheretia ā-motu kia tōkeke ai te whakarato ki te motu whānui. Ko ngā ratonga matua me ngā ratonga hapori ka tohaina ki ngā takiwā e whā, mā ēnei e honohono atu ki ngā tari ā-rohe (Ngā Hononga Hauora, Waiora mō te Iwi Whānui) hei whakawhanake, hei whakatinana hoki i ngā mahere hei whakatipu i te hauora, i te waiora o ngā hapori.

Kei a Health NZ te haepapa mō te whakapiki i ngā ratonga me ngā hua mō te pūnaha hauora katoa. Ka mahi tahi ia me te Māori Health Authority ki te whakawhanake i te Mahere Hauora o Aotearoa - he mahere mō te pūnaha hauora mō ngā tau e kainamu nei.

Ka whakamaheretia, ka wāhia, ka whakahaeretia te whakawhiti kia kaua e nui te whakararu i ngā ratonga. Ka whakawhiti mai ngā kaimahi o ngā Poari Hauora ā-Rohe ki Health NZ i raro i ngā kawenga me ngā āhuatanga o te wā. Ko te whakawhiti atu ki te waihanga hou, kei te takiwā o te 1 o Hōngongoi 2022, kia mutu rā anō te whakature.

He aha ai?

Ehara i te mea kia waiho ko wai koe, otirā ko tō wāhi noho e tohu ai i ōu ratonga. Mā ngā waihanga hou nei e whai wāhi ai te tangata ki te whakahaumanu kounga i ngā wā e hiahiatia ana, kia roa ake ai, kia pai ake ai te ora o te tangata.

He mea whakatū ngā Poari Hauora ā-Rohe i te 20 tau kua hori e nui ake ai te wāhi ki ngā hapori ki te whakatau take, heoi kua whakatū taupā hoki i ētahi wāhi, me ngā hua kino.

Nā te huringa o te wā, kua aro kē ki ngā rohe, kaua ki ngā hua pai mō Aotearoa whānui – mā konei e rerekē ai ngā hua mo ngā rohe me ngā taupori. Mā konei hoki e whīwhiwhi ai, e tāruatia ai, me te aha kua tāruatia ai ngā mahi whakawhiwhi a te Poari Hauora ā-Rohe, ngā pūnaha hangarau matihiko me te whakahaere rawa e ngāwari kē ai te whakahaere ā-takiwā, ā-motu rānei.

He whīwhiwhi rawa tā tātou pūnaha hauora mō te whenua iti nei. Nā konā i puta he whakatau ka pā ki ngā tāngata katoa, pēnei i te whakangao hōhipera, ratonga hoki, kāore i kitea i te motu katoa. He nui rawa te wā kua pau ki te whakaū i ngā rohe me ngā umanga, tē aro ai ki tā tātou mahi tahi hei painga mō te rima miriona tāngata o Aotearoa nei.

Ahakoa he nui te kounga o tā tātou pūnaha, me uaua ka kitea, ka horahora hoki he whakahounga ki ngā tini whakahaere, me te aha he tini ngā āheinga kua mahue. Ahakoa ko te aronga o te Poari Hauora ā-Rohe kia whakata atu ki te whakahaumanu ki te tangata, i roto i ngā hapori hauora kāore tonu te kiritaki i whai wāhi mai ki ngā tini whakatau matua.

Ka pēhea tōna āhua ā mua?

Mō ngā tāngata e mahi ana i ngā ratonga hauora o ngā Poari Hauora ā-Rohe, e kore e tino rerekē ā kō ake nei. Mā ngā tari ā-takiwā, ā-rohe hoki e ū tonu ai ngā ratonga o te pūnaha hauora. Kia tīmata ngā whakahaere me ngā āheinga hou o Health NZ, ka panoni te whakamahere me te whakahaere o ngā ratonga, me te aha ka aro ki te tōkeke me te kounga, ki te whakakaha hoki i ngā hononga ā-motu, ā-tākiwā hoki.

Ka āta tautohua te whakahaumanu matua me te whakahaumanu hapori ki ngā matea o te hapori, e whai wāhi ai te kiritaki ki te whakahua i ōna whakaaro mō te ahunga o ngā ratonga. Mā te wā, e tipu ai he ratonga hou e whakaarahia ai ngā aronga me ngā hiahia o te hapori, tae noa ki te whai wāhi ki te whakahaumanu ā-matihiko, ā-mariko hoki.

Ko ngā ratonga hōhipera, rātonga mātanga ka tōkeke kē atu, e kaha kē atu ai te whai wāhi puta noa i Aotearoa. Ka whai wāhi ngā tāngata ā te wā tika ahakoa kei hea rātou e noho ana. Ka aro kē atu ki te whakahaumanu matua me te hapori e kaha ai te whakahaumanu i ngā tāngata ki tōna kāinga tonu, ā, kia whai wāhi ai ia ki tōna whakahaumau ake. Ka ngāwari te whakawhiti o ngā tūroro me ngā kaimahi ki ngā wāhangā kia whai wāhi ai ki te whakahaumanu me te mahi ina hiahiatia.

He aha ā muri ake nei?

Kei roto i te te mahere ā ngā marama e tū nei, ka whai wāhi mai te rāngai hauora, ngā kiritaki, ngā whānau me ngā hapori. Ka whakatūria te takawaenga Health NZ hei te mutunga o te 2021, i mua tonu i te whakaturetanga e tū ai te whakahaere tūturu

Kei te pīrangī ki ētahi kōrero atu anō?

Ko te roanga ake o ngā whakamārama e pā ana ki tēnei mahi me te ahunga o ngā waihangā hou mō te hauora kei te pae tukutuku a DPMC, kei te wāhi mō te Transition Unit:

www.dpmc.govt.nz/our-business-units/transition-unit